

Tlamachtilmej para Toteki akinmej tikchiuaj ken Cristo

6-12 DE SEPTIEMBRE

KEN TECHPALEUIA BIBLIA | DEUTERONOMIO 33, 34

“Ma tikkauilikan Jehová ma techpaleui ika ichikaualis”

it-2-S pág. 99

Jesurún

Jehová ijkon okiluiaya altepetl Israel porque okitlakaitaya. Tlajtoli “Jesurún” itech *Versión de los Setenta* ika griego okitlajtolkopkej “akin niktlasojtla”. Tlajtoli “Jesurún” okinmilnamiktiaya israelitas ijkuak Jehová inmiuan okichi se tlajtolsenkaualistli, ik non, omonekiaya yetoskej yolqualmej (Deut. 33:5, 26; Is. 44:2). Itech Deuteronomio 32:15 kitekitiltia tlajtoli “Jesurún” pero kijtousa okse tlamantli porque israelitas amo okichijkej ijkon ken toTajtsin Dios okintokayoti, ayakmo okikauilijkej ma kinyekana, ayakmo okitlakamatiyaj uan amo omotlasojkamatkej porque ye okinmakixti.

rr-S pág. 120, recuadro

Jehová techpaleuia

Miak xiuitl ijkuak ayamo okatka Ezequiel, Moisés okijto Jehová uelis uan kineki kinpaleuis itekipanojkauan ika ichikaualis. Ye okijto: “ToTajtsin Dios nochipa mitsmaluia; ika imauan mitspaleuia” (Deut. 33:27). Ik non, uelis tikiluiskej Jehová ma techpaleui ijkuak sapanoua titlajyouiaj uan tikmachiliaj ayakmo titlaxikouaj. Ye techpaleuis, yetoskia ken techeualtis ika imauan uan yetoskia ken oksepa timoketsaskej (Ezeq. 37:10).

w11-S 15/9 pág. 19 párr. 16

“Ika miak yolchikawálistli matimotlelokah itech nin ojtli”

¹⁶ Ijkon ken Abrahán, Moisés amo okitak

tlen Jehová okilui kichiuaskia. Ijkuak israelitas yikalakiskiaj itech tlali tlen ye okinmilui kimakaskia, okilui Moisés: “San uejka tikitas tlali pero amo ompa tiyetos itech tlali tlen nikinmakas israelitas”. ¿Tleka amo okinkauili Moisés uan Aarón ma kalakikan itech non tlali? Porque omosotlajkej uan amo okitlakaitakej Jehová ijkuak israelitas amo okitlakamatkej. Ye okilui Moisés: “Namejuan nanome amo otechtlakamatkej inmixpan israelitas ijkuak onankatkaj kanin omeyak atl ompa Meribá” (Deut. 32:51, 52). ¿Omoyolkoko Moisés uan oyolchichiak? Amo. Okintechoi nochtin israelitas uan saiktlami okijto: “¡Tipaki oh Israel! ¿Amikaj okse ken te, se altepetl tlen Jehová okimakixti, ye moescudo uan moespada?” (Deut. 33:29).

Ma tiktemokan ken techpaleuia Biblia

it-2-S pág. 418 párr. 1

Moisés

Moisés oixpoliuij ijkuak okipiaya 120 xiuitl. Biblia kijtousa ok otlachiaya uan ok chikauak okatka. Jehová okitokak kanin amikaj kimati (Deut. 34:5-7). Xamo ijkon okichi Jehová porque amo okinekiaya ma kiueyichiuakan kanin ye okitlali. Nesi Diablo okinekiaya itlalnakayo Moisés para oksekimej ijkon ma kichiuakan. Judas okatka imachtijka Jesucristo uan noijki okatka itlakpaikni, ye okijto: “Pero keman arcángel Miguel, omotekilmakatoka iwan diablo okimotlatlaniljtokah ikuerno Moisés, amo omixewi kiwijwikaltis. Yej san okili: ‘Ma Dios mamitstlajjowilti’” (Jud. 9). Josué okinyekanaya israelitas ijkuak yikalakiskiaj itech tlali Canaán, achto ompa kalakiskiaj omoyolkokojkej 30 tonal porque oixpoliuij Moisés (Deut. 34:8).

13-19 DE SEPTIEMBRE

KEN TECHPALEUIA BIBLIA | JOSUÉ 1, 2

“¿Tlen moneki tikchiuskej para kuali tiyetoskej?”

w13-S 15/1 pág. 8 párr. 7

Ximoyolchikaua Jehová mouan kajki

⁷ Tla tiknekij tiyetoskej tiyolchikauakej uan tikchiuskej tlen Jehová kineki, moneki timomachtiskej uan tikchiuskej tlen kij-toua iTlajtol. Ijkuak ayakmo okatka Moisés, Jehová okilui Josué: “Ximoyolchikaua, amo ximomojti uan xikchiua nochi tlanauatil tlen notekipanojka Moisés omitsmakak. [...] Nin amochtli itech Tlanauatil moneki amo keman tikkauas uan tonal uan youak moneki ichtakatsin tiktlajtolis uan ijkon kuali tikchius nochi tlen itech ijkuilitok para ijkon kuali tias itech moojui uan ijkon timoyekanas ika ixtlamatilitli” (Jos. 1:7, 8). Josué okikak tlen Jehová okilui uan nochi okichi. Tla tejuan ijkon tikchiuaj, tiyetoskej tiyolchikauakej uan kuali tiktekichiuiliskej Jehová.

w13-S 15/1 pág. 11 párr. 20

Ximoyolchikaua Jehová mouan kajki

²⁰ Oui tiktlakamatiskej Jehová porque miakej kichiuj tlen amo kuali uan noijki titlajyouiaj. Pero amo tikatej toselti, touan kajki Jehová uan iKone akin kiyekana tlanechikol. Noijki itech nochi tlaltipak tikatej kanaj siete millones tiiTlaixpantijka uan Jehová. Ik non, tinochtin ma titlaneltokakan uan ma titetlapouikan tlen toTajtsin Dios kichiuas, ma tikilnamikikan texto tlen otikitakej itech xiuitl 2013, ompa kijtous: “Ximoyolchikaua uan ximochijchikaua. [...] Jehová moDios mouan kajki” (Jos. 1:9).

Ma tiktemokan ken techpaleuia Biblia

w04-S 1/12 pág. 9 párr. 1

Tlen okachi ipati omotlajtolti itech Josué

2:4, 5. ¿Tleka Rahab okinkajkayaj itlakeualuan tekiua ijkuak okintemojtoj tlakamej tlen otlachiattoj ialtepe? Maski uelis kimiktiskiaj Rahab, okinpaleui tlakamej tlen otlachiattoj ialtepe porque otlaneltokak itech Jehová. Ik non, amitlaj okinmilui itlakeualuan tekiua porque yejuan san okinekiayaj kitlajyouiltiskej ialtepe toTajtsin Dios (Mateo 7:6; 21:23-27; Juan 7:3-10). ToTajtsin Dios okijto Rahab okatka “yolchipawak” uan ijkon okiteititi porque oksekan okintitlanki itlakeualuan tekiua (Sant. 2:24-26).

20-26 DE SEPTIEMBRE

KEN TECHPALEUIA BIBLIA | JOSUÉ 3-5

“Jehová kintechochia akinmej itech tlaneltokaj”

it-2-S pág. 121

Jordán

Aueyatl Jordán tlen kajki sur ik Galilea okatka uejkatlan kanaj se noso eyi metros uan ik patlauak kanaj 27 noso 30 metros. Pero ijkuak opeuaya primavera aueyatl Jordán omoskaltiaja, ik non, okatka uejkatlan uan patlauak (Jos. 3:15). Ijkuak oatemiaya non aueyatl tlen kajki ik kanin kajki altepetl Jericó altepetl Israel amo uelis panoskia: tlakamej siuamej uan konemej. Ijkuakon atl totoka omotlalouaya uan hasta axkan akinmej ompa maltiaj sekimej yokinuikak. Pero ijkuakon Jehová okiketsalti aueyatl uan ijkon opanokej israelitas (Jos. 3:14-17). Seki xiuitl satepan ijkon opanok ijkuak Elías okatka iuan Eliseo uan satepan ijkuak Eliseo okatka iselti (2 Rey. 2:7, 8, 13, 14).

w13-S 15/9 pág. 16 párr. 17

Tlen Jehová kijtoua kichiua ma tiyolpakikan

¹⁷ ¿Ken okachi titlaneltokaj itech Jehová ijkuak tikchiuaj seki tlamantli? Ma timokua-yejyekokan tlen okinpanok israelitas ijkuak yokatkaj itech tlali tlen Jehová okinmilui kinmakaskia. Jehová otlanauati teopixkej ma kiuiakakan arca itech tlajtolsenkaualis-tli uan ma kalakikan itech aueyatl Jordán. Pero ijkuak ompa oajsitoy israelitas okitakej omoskalti aueyatl porque ijkuakon okatka primavera uan okiauiaya. ¿Tlen okichij-kej? ¿Okijtojkej mokauaskiaj itempa aueyatl hasta ijkuak temoskia atl? Amo, otlanel-tokakej itech Jehová uan okichijkej tlen ye okinmilui. ¿Tlen opanok? Biblia kijtoua: “Ijkuak teopixkej tlen okiuiakayaj arca oaj-sitoy kanin aueyatl Jordán uan okalakej san niman, omoketski atl [...]. Teopixkej [...] omoketokaj kanin tlauaki itlajkotia aue-yatl Jordán, ijkuak nochi altepetl okipanoui aueyatl” (Jos. 3:12-17). ¡Xamo sapanoua oyolpakej ijkuak okitakej omoketski atl! Okachi otlaneltokakej itech Jehová porque okichijkej tlen ye okinmilui.

w13-S 15/9 pág. 16 párr. 18

Tlen Jehová kijtoua kichiua ma tiyolpakikan

¹⁸ Axkan Jehová amo kichiua non milagros pero techteochiua porque itech titlanel-tokaj. Ika iespíritu santo techmachtia ken titetlapouiskej iTekiuajkayo itech no-chi tlaltikpak. Jesucristo akin iTlaixpantijka Jehová okinmilui imachtijkauan kinpaleuis-kia. Ijkuak Jehová okiyoliti Jesús, ye okijto: “Xiakan xikinchiuakan nomachtijkauan itech nochi altepemej [...]. Uan xikmatokan nochipa namouan niyetos hasta itlamian tonalmej” (Mat. 28:19, 20, *TNM*). Miakej iTlaixpantijkauan Jehová tlen pinauaj yoki-takej ken iespíritu santo yokinpaleui para

kintlapouiskej akinmej amo kinmixmatij (*xiktlajtoliti Salmo 119:46; 2 Corintios 4:7*).

Ma tiktemokan ken techpaleuia Biblia

w04-S 1/12 pág. 9 párr. 2

Tlen okachi ipati omotlajtoliti itech Josué

5:14, 15. ¿Akin príncipe tlen kinyekana isoldados Jehová? Príncipe tlen okiyolchi-kauato Josué ijkuak kimoaxkatskia tlali tlen Jehová okijto kinmakaskia israelitas xamo ye “Tlájtoli”. Ijkuak ye okatka nikan tlal-tikpak okitokayotijkej Jesucristo (Juan 1:1; Daniel 10:13). ¡Techyolchikaua tikmatiskej Jesús kipaleuijtok ialtepe toTajtsin Dios por-que moteuia iuan amo kuali ejekamej!

27 DE SEPTIEMBRE-3 DE OCTUBRE

KEN TECHPALEUIA BIBLIA | JOSUÉ 6, 7

“Amo ma tikchiuakan tlen amo techpa-leuis”

w10-S 15/4 pág. 20 párr. 5

Amo ma tikitakan tlen amo techpaleuis

⁵ Miak xiuitl satepan se tlakatl tlen omoto-kayotiaya Acán okichi tlen amo kuali porque itlaj okitak. Ijkuak Totajtsin Dios okinnauati israelitas ma kimoaxkatikan Jericó, okinmilui tlen kipojpoloskiaj uan tlen amo porque seki tlamantli yetoskia para Jehová. Ye okinnejmacht: “Amo xiyetokan kanin kaj-ki tlen pojpoliuis para amo nankinekiskej nankimokauiskej itlaj”. Pero Acán amo ote-tlakamatki, okiuiak miak tlamantli, ik non, ijkuak israelitas omoteuitoy iuan akinmej ochantiajay altepetl Hai okintlanilijkej uan miakej okinmiktijkej. Satepan Acán okij-to ijkuak okitak non tlamantli okinek uan okinuiak. Acán okitak tlen toTajtsin Dios

kipojpoloskia uan okixnek, ik non, ye uan nochi ifamilia okinmixpolojkej (Jos. 6:18, 19; 7:1-26).

w97-S 15/8 pág. 28 párr. 2

¿Tleka amo ma tikchiuakan tlen amo kuali?

Moneki ijkon tikchiusaskej porque ijkon toknuiyan yetoskej yolchipauakej ixpan Jehová. Ye se Dios chipauak uan santo, ik non, akinmej tikueyichiuaj moneki tiyetoskej tiyolchipauakej uan kuali iuan timouikaskej. Biblia kijtousa: “Kemi tepilwah tetlakitakeh, amo xikchihtinematikah tlan achto ononkichwayah ijkuak ayamó ononkixmatiah Dios. Okachi kuali xinematikah non yolchipawakeh, porke Dios Akin onomechnotski, Ye yolchipawak. N tiotlajkuílooli kijtoa: ‘Xiyetokah nonyolchipawakeh, porke Ne niyolchipawak’” (1 Pedro 1:14-16). Akinmej kichiuaj tlen pitsotik noso okseki tlamantli non uelis kichiuas toTajtsin Dios ayakmo ma kinseli toknuiyan tlen inmiyan monechikouaj pero amo ijkon panos tla san niman kiyektlaliaj tlen amo kuali kichiuaj (noiiki xikita Josué capítulo 7).

w10-S 15/4 pág. 21 párr. 8

Amo ma tikitakan tlen amo techpaleuis

^a Akinmej tikchiuaj ken Cristo uelis tikchiusaskej tlen tikitaj uan tlen kineki totlalnakayo, ik non, Biblia techmachtia ma timomalukan ika tlen tikitaj uan tiknekij tikchiusaskej (1 Cor. 9:25, 27; *xiktlajtolti 1 Juan 2:15-17*). Job okimatiaya ijkuak itlaj tikitaj satepan tiknekij tikchiusaskej, ik non, ye okijto: “Yonikijto amo nikitas tlen amo moneki, ik non, ¿ken uelis nikitas se ichpochtli uan nimokuayejyekos tlen amo kuali?” (Job 31:1). Ye amo okinek nion mokuayejyekos auilnemis iuan siuatl. Seki xiuitl satepan Jesús okiteititi amo ma timokuayejyekokan tlen pitsotik, ye okijto: “Nochi tlakatl non

kelewia se siwatl non amo iaxka, kijtosneki yokimomekati itech iyolo” (Mat. 5:28).

Ma tiktemokan ken techpaleuia Biblia

w18.10 pág. 23 párr. 8, nota

Sekimej techtlajtlaniaj

Ma tikneltokakan Cristo techyekana

^a Noiiki Jehová okinmilui israelitas amo itlaj ma kinchiuilikan akinmej ochantiayaj Jericó. Okinnauatijkej ma kiyauualokan altepetl se uelta sejse tonal uan ijkon okichijkej chikuase tonalmej. Saiktلامي tonal okinnauatijkej ma kiyauualokan chikome uelta. Xamo sekimej soldados omokuayejyekojkej san omotonalpolaayaj. Pero Jehová okimatiaya tlen okichijtoka. Noiiki israelitas okinpaleui ijkuak okichijkej ken okinnauatijkej uan okimoaxkatijkej altepetl. Non okinpaleui ma kipiakan chikauak intlaneltokilis. Noiiki okinpaleui amo ma moteuikan iuan soldados tlen ochantiayaj ompa Jericó (Jos. 6:2-5; Heb. 11:30).

Akinmej momachtiaj kijtoaj okajsikej miak tlakuali. Nin kijtosneki amo okintlajyouiltijkej akinmej ochantiayaj Jericó porque amo otlanki intlakual. Jehová amo okinkauili israelitas ma kintlakixtilikan. Yejuan sapanoa otlatokayaj, ik non, israelitas totoka okimoaxkatijkej non altepetl porque okipiyaj miak tlakuali (Jos. 5:10-12).

4-10 DE OCTUBRE

KEN TECHPALEUIA BIBLIA | JOSUÉ 8, 9

“¿Tlen techmachtia tlen okichijkej gabaonitas?”

it-1-S pág. 977 párr. 1

Gabaón

Gabaonitas uan Josué. Ijkuak okatka Josué, heveos ochantiayaj ompa Gabaón, non

altepetl opouiaya itech chikome altepemej tlen omonekiaya kinpojpuloskiaj israelitas (Deut. 7:1, 2; Jos. 9:3-7). Gabaonitas noijki okinmixmatiayaj ken amorreos, ika non tlaj-toli ualeua noijki ijkon okinmiluiayaj nochtin akinmej ochantiayaj Canaán (2 Sam. 21:2; noijki xikita Gén. 10:15-18; 15:16). Pero nochtin akinmej ochantiayaj Canaán san gabaonitas okajsikamatkej, maski okinpiayaj miakej soldados uan inmialtepe okatka ueyi, amo kintlaniliskiaj israelitas porque Jehová okinpaleuiaya. Nesi, ik non, ijkuak toTajtsin Dios okinpojpulo akinmej ochantiayaj Jericó uan Hai, gabaonitas uan akinmej okinyekanayaj eyi altepemej: Kefirá, Beerot uan Quiryat-jearim (Jos. 9:17), okintitlankej sekimej tlakamej ompa Guilgal kanin okatka Josué para ma kinmiluikan amo inmiuan ma moteuikan. Gabaonitas omotlakentijkej ika intlaken uan inkakuan tlen yotlajtlanki, kanin okiukayaj invino okatka tsomonki uan pan tlen okiukayaj yokatka tlakuauak. Okiteititijkej inmialtepe okatka sapanoua uejka uan okiteititijkej amo opouiayaj iuan altepemej tlen okinmaxkatijtokiaj. Okajsikamatkej Jehová sapanoua chikauak porque okimatkej tlen okinchiuili egipcios uan tekiuajkej Sehón uan Og. Pero okatkaj ixtlamatkej porque amo okijtojkej tlen okipanok Jericó uan Hai porque tla achto yokiskaj itech “inmialtepe tlen sapanoua uejka” ayamo non kimatiskiaj. Akinmej okinyekanayaj israelitas okitakej melauak tlen okijtojkej uan inmiuan omokajkej kinkauaskiaj ma yolto-kan (Jos. 9:3-15).

w11-S 15/11 pág. 8 párr. 14

Amo san tejuan ma timokuayejyekokan itlaj uelis tikchiusaskej

¹⁴ Tinochtin titlajtlakolejkej, ik non, hasta tlayekankej moneki kitemoskej ma

kinyekana Jehová ijkuak itlaj kinekij ki-pejpenaskej. Ma timokuayejyekokan tlen okichi Josué akin okipatkayoti Moisés uan akinmej otlayakanayaj itech Israel, ijkuak Gabaonitas okinmitatoj ayakmo inmiuan ma moteuikan. Omotlakentijkej para ma mota uejka okatka inmialtepe. Josué uan akinmej okipaleuiayaj amo okitlajtlanjkej tlen kichiuaskiaj, yejuan okinmiluijkej amo kinteuiskiaj. Maski Jehová okitak kualitlen okipejpenkej, okinek ma moijkuilo itech Biblia tlen okichijkej para kiteititis amo okitemojkej ma kinyekana (Jos. 9:3-6, 14, 15).

w04-S 15/10 pág. 18 párr. 14

Xio itech okseki altepemej

¹⁴ Ijkuak sekimej okintitlankej kanin okatkaj israelitas okijtojkej: “Timotlakeualuan uan otialajkej maski toaltepe sapanoua uejka mokaua porque otikmatkej itech Jehová moDios” (Josué 9:3-9). Intlaken uan intlakual tlen okiukayaj omotaya sapanoua uejka inmialtepe pero amo melauak porque ik kanin okatka Guilgal, Gabaón okatka kanaj 30 kilómetros. Okinneltokilijkej Josué uan akinmej okinpaleuiayaj, ik non, okinmiluijkej amo kinteuiskiaj akinmej ochantiayaj inmialtepe uan okseki altepemej tlen ik ompa okatkaj. ¿Otlakajkayajkej Gabaonitas para amitlaj ma kinchiuilikan? Amo. Tlen yejuan okijtojkej okiteititijkej okinekiayaj Jehová ma kinseli. Ye okinkauili ma kiuikakan kuauitl uan ma kikixtikan atl para nochtin israelitas uan noijki para ialtar Jehová, ik non, kisasakaskiaj kuauitl tlen israelitas kitekitiltiskiaj itech altar (Josué 9:11-27). Gabaonitas nochipa okichijkej non uan ijkon okitekichiuilijkej Jehová. Xamo yejuan opouiayaj iuan tlen okinmiluiayaj netineos, yejuan omokopkej tlen

okinuikakej Babilonia uan yejuan otlapaleu-
uijkej ijkuak okiyektlalijkej teokali (Esdras
2:1, 2, 43-54; 8:20). Ma tikchiuakan ijkon
ken yejuan uan ma timochijchikauakan
timouikaskej iuan toTajtsin Dios uan ma tik-
chiuakan okseki tlamantli tlen kiueyichiuas
Jehová maski oksekimej kitaskej amitlaj
ipati.

Ma tiktemokan ken techpaleuia Biblia

it-1-S pág. 506

Ikaj okipilouayaj

Jehová okinnauati israelitas tlen otemiktia-
yaj omonekiaya kinpiloskej itech se kuauitl,
ijkon okiteititiaya toTajtsin Dios okichiu-
aya ma tlajyouikan. Ijkon okinchiuiliayaj para
miakej ma kinmitakan uan ijkon amo kine-
kiskiaj kichiuaskej ken yejuan. Pero
omonekiaya kitokaskej innakayo ijkuak aya-
mo tlayoua, tla mokauaskiaj nochi se youali
yetoskia ken kijtlakoskiaj tlali tlen Jehová
okinmakak israelitas (Deut. 21:22, 23). Is-
raelitas okitlakamatkej non tlanauatil maski
akinmej okinmiktia yaj amo okatkaj israeli-
tas (Jos. 8:29; 10:26, 27).

11-17 DE OCTUBRE

**KEN TECHPALEUIA BIBLIA | JOSUÉ
10, 11**

**“Jehová otlateui para kinmakixtis is-
raelitas”**

it-1-S pág. 55

Adoni-zédek

Ye otlanauatiaya itech altepetl Jerusalén, ij-
kuakon israelitas okimoaxkatijkej tlali tlen
Jehová okinmilui kinmakaskia. Adoni-zédek
omotlapoui iuan oksekimej tekiuajkej tlen
okatkaj ik oeste Jordán para amo kinkaui-

liskiaj ma panokan isoldados Josué (Jos. 9:
1-3). Pero heveos tlen ochantiayaj Gabaón
omotlapouijkej iuan Josué para amo ma
kinteuikan. Adoni-zédek uan oksekimej
nau tekiuajkej amorreos okiyaualojkej alte-
petl Gabaón uan opejkej inmiuan moteuiaj.
Tetlajtlachialti ken Josué okinmakixti ga-
baonitas, okintlanili non nau tekiuajkej
tlen ocholojkej altepetl Maquedá uan okin-
kitskitoj itech se cueva. Josué okimikti
Adoni-zédek uan nau tekiuajkej inmixpan
isoldados uan okinpilo itech kuauitl. Sate-
pan okintlamotlatoj itech cueva uan ompa
omokajkej (Jos. 10:1-27).

it-1-S pág. 1038

Tesiuitl

Jehová okitekitilti tesiuitl. Ualeua Jehová
okichi ma uetsi tesiuitl para kichiuas tlen
okijto uan kiteititis ichikaualis (Sal. 148:
1, 8; Is. 30:30). Okatka chikome chauistli
tlen ouetski itech altepetl Egipto, non te-
siuitl okijtlako tlen okitokakej, kuajmej uan
okinmixpolo tlakamej uan yolkamej tlen
okatkaj kanin otlatokayaj. Ompa Gosén
kanin ochantiayaj israelitas amo ouets-
ki tesiuitl (Éx. 9:18-26; Sal. 78:47, 48; 105:
32, 33). Satepan ijkuak yokatkaj itech tla-
li tlen Jehová okinmilui kinmakaskia, Josué
okinpaleuitoj gabaonitas porque makuili te-
kiuajkej amorreos okinekiayaj kinteuiskej.
Ijkuakon Jehová okichi ma uetsi tesiuitl, ij-
kuak israelitas okinteuitoj, tesiuitl okachi
miakej okinmikti (Jos. 10:3-7, 11).

w04-S 1/12 pág. 11 párr. 1

Tlen okachi ipati omotlajtolti itech Josué

**10:13 ¿Ken ueli ijkon opanok? ¿Onka itlaj
tlen amo uelis kichiuas Jehová akin okichij-
chi iluikak uan tlaltikpak? (Génesis 18:14).
Ye uelis kichiuas amo ma molini tlaltikpak,**

ijkon ikaj kita tonal uan metstli amo moli-
niaj. Ye uelis kichiuas tlaltikpak ma molinijto
ken nochipa san uelis kichiuas ma tonato
uan metstli ma petlanto. Maski amo tikmatij
ken melauak otlayanok, kema tikmatij ayak-
mo keman ijkon opanok ken ijkuak okatka
Josué (Josué 10:14).

Ma tiktemokan ken techpaleuia Biblia

w09-S 15/3 pág. 32 párr. 5

Sekimej techtlajtlaniaj

Maski itech Biblia kijtousa intoka seki
amochmej, non amo kijtosneki toTajtsin
Dios okijto noijki ma kijkuilokan. Tikneltokaj
Biblia kipia nochi iTlajtol toTajtsin Dios uan
nochipa yetos (Is. 40:8). Jehová okinek ma
kijkuilokan 66 amochmej tlen kajki itech Bi-
blia uan ye okinek hasta axkan ma tikpiakan
para ma techpaleui ‘matikmatikan kenijki
tikchiwaskej nochi tlan kuali’ (2 Tim. 3:16,
17).

18-24 DE OCTUBRE

KEN TECHPALEUIA BIBLIA | JOSUÉ 12-14

“Ika nochi toyolo nochipa ma tikchiua- kan tlen Jehová techiluia”

w04-S 1/12 pág. 12 párr. 2

Tlen okachi ipati omotlajtolti itech Josué

14:10-13. Maski Caleb okipiaya 85 xiuitl,
okijto ma kititlanikan altepetl Hebrón para
kinkixtiskiaj anaquim. Yejuan okatkaj sapa-
noua uejkapantikej. Jehová okipaleui Caleb
uan ijkon okimoaxkati non altepetl. Satepan
ompa uelis mopaleuiskiaj israelitas (Josué
15:13-19; 21:11-13). Tlen okichi Caleb tech-
machtia ma tikchiuakan tekittl tlen ialtepe
Jehová techmaka maski ualeua oui.

w06-S 1/10 pág. 18 párr. 11

Tiyetoskej tiyolchikauakej tla titlanelto- kaj itech Jehová uan tiktlakamatij

¹¹ Ijkuak tipeuaj titlaneltokaj itech toTajtsin
Dios, satepan okachi uelis titlaneltokaskej
ijkuak tikitaj ken techpaleuia tikchiuaskej
ken Cristo, ijkuak tikitaj ken Jehová tech-
nankilia ijkuak tiktlatlaujtiaj uan tikitaj ken
techyekana (Salmo 34:8; 1 Juan 5:14, 15).
Josué uan Caleb otlaneltokakej itech Jeho-
vá ijkuak okitakej ken okinpaleui (Josué 23:
14). Ma timokuayejyekokan nin: otlixikoj-
kej 40 xiuitl ijkuak okatkaj kanin tlaui
ijkon ken Jehová okinmilui (Números 14:
27-30; 32:11, 12). Satepan okimoaxkatijto-
kaj altepetl Canaán uan ouejkajkej chikuase
xiuitl. Satepan uelis yoltoskiaj miak xiuitl,
amo mokokoskiaj uan noijki uelis yolkakis-
kiaj porque yokipiayaj intlal. ¡Jehová
sapanoua kinteochiua akinmej kitekichi-
uiliaj ika nochi inyolo uan yolchikauakej!
(Josué 14:6, 9-14; 19:49, 50; 24:29).

Ma tiktemokan ken techpaleuia Biblia

it-1-S pág. 1054

Guebal, Guebalitas

Jehová okijto “tlali kanin ochantiayaj Gue-
balitas” noijki omonekiaya kimoaxkatiskiaj
israelitas ijkuakon okatka Josué (Jos. 13:
1-5). Miakej ixtlamatkej kijtousa motlajtol-
namiki tlen ijkuilitok itech iTlajtol toTajtsin
Dios porque altepetl Guebal okatka ik nor-
te Israel kanaj 100 kilómetros kanin okatka
Dan ik norte uan nesi non altepetl amo ke-
man okimoaxkatijkej israelitas. Sekimej
ixtlamatkej kijtousa xamo tlen ijkuilitok itech
non texto okipatlakej uan kijtousa ompa
achto okijtousa “tlali tlen kajki ik kanin
kajki Líbano” noso ‘hasta kanin monami-
ki intlal Guebalitas’. Pero ma tikilnamikikan

tlen ijkuilitok itech Josué 13:2-7, non Jehová kichiuaskia tla israelitas kichiuaskiaj tlen ye okinmilui. Pero yejuan amo okitlakamatkej, ik non, amo okimoaxkatijkej altepetl Guebal (noijki xikita Jos. 23:12, 13).

25-31 DE OCTUBRE

KEN TECHPALEUIA BIBLIA | JOSUÉ 15-17

“Ma tikpatioitakan tlen Jehová techil- uia kichiuas”

it-1-S pág. 1112

Hebrón

Ijkuak israelitas oyajkej ik sur Canaán okinmixpolojkej akinmej ochantiayaj Hebrón uan akin ompa otlauatiaya (xamo ye tlen okipatkayoti Hoham) (Jos. 10:36, 37). Maski israelitas okatkaj okachi chikauakej uan amo cananeos, tlali tlen okimoaxkatijkej amo san niman okinkajtiajkej soldados para amo oksepa kinkixtiliskiaj. Ijkuak israelitas omoteuijtokaj oksekan, tlakamej anaquim oksepa ochantitoj Hebrón, ik non, satepan Caleb (noso ikoneuan Judá tlen okinyekanya Caleb) oksepa okinkixtili non altepetl (Jos. 11:21-23; 14:12-15; 15:13, 14; Juec. 1:10). Altepetl Hebrón okimakakej Caleb, ye opouiaya itech itribu Judá. Satepan non altepetl okichijkej ompa ma mopaleuitij israelitas uan okitokayotijkej altepetl santo. Itech non altepetl noijki okatkaj teopixkej. Pero kanin otlatokayaj ompa altepetl Hebrón uan ialtepetsitsiuan okikauilijkej Caleb (Jos. 14:13, 14; 20:7; 21:9-13).

it-2-S pág. 1148

Ikaj okichiualtiajaj ma tekipano

Yiuejkika akinmej ochantiayaj itech altepe-
mej tlen okinmaxkatiajaj, okinchiualtiajaj

ma tekipanokan (heb. *mas*) (Deut. 20:11; Jos. 16:10; 17:13; Est. 10:1; Is. 31:8; Lam. 1:1). Egipcios sapanoua okinchiualtijkej ma tekipanokan israelitas uan okichijchijkej altepemej Pitom uan Raamsés para ompa kitlatiskiaj tlen kikuaskia faraón uan okseki tlamantli (Éx. 1:11-14). Satepan ijkuak israelitas yokatkaj itech tlali tlen Jehová okinmilui kinmakaskia amo okitlakamatkej porque amo okinpojpolojkej nochtin cananeos ijkon ken ye okinmilui, okinchijkej intlakeualuan uan okichiualtijkej ma tekipanokan. Ken ijkon okichijkej, opejkej kichiuaj ken cananeos uan okinueyichijkej teotsitsintin (Jos. 16:10; Juec. 1:28; 2:3, 11, 12). Ijkuak okatka tekiua Salomón noijki okinchi intlakeualuan cananeos: amorreos, hititas, perizitas, heveos uan jebuseos para kintekipanoltis (1 Rey. 9:20, 21).

it-1-S pág. 408 párr. 4

Canaán

Maski israelitas amo okinmixpolojkej miakej cananeos nion amo okinchiualtijkej ma yetokan intlakeualuan, ok uelis tikijtoskej Jehová okinmakak nochi tlali tlen ye okinmilui kinmakaskia iuejkatatajuan israelitas, okichi kuali ma yetokan uan okichi nochi tlen ye okinmilui kichiuaskia (Jos. 21:43-45). Akinmej ik ompa ochantiayaj uan okinkokoliayaj israelitas omomojtiayaj, ik non, israelitas kuali okatkaj uan amitlaj okinmomojti. Jehová okijto yolik kinkixtiskiaj cananeos itech inmialtepe para amo momiaktiliskiaj tekuanimej (Éx. 23:29, 30; Deut. 7:22). Maski cananeos okipiayaj kuali carros tlen innajnakastlan okipiaya tepostli tlen otlatekia uan okintlanilijkej israelitas, non amo kijtosneki Jehová amo okichi nochi tlen okinmilui kichiuaskia (Jos. 17:16-18; Juec. 4:13). Biblia kijtous ualeua israelitas okin-

tlaniijkej porque amo okichijkej tlen Jehová okinmilui (Núm. 14:44, 45; Jos. 7:1-12).

Ma tiktemokan ken techpaleuia Biblia

w15-S 15/7 pág. 32

¿Otikmatiaya?

¿Altepetl Israel okatka kuajtlan ijkon ken kijtousa Biblia?

BIBLIA kijtousa itech tlali tlen Jehová okinmakak israelitas okatka kuajyo (1 Rey. 10:27; Jos. 17:15, 18). Pero axkan ayakmo onka miak kuauitl uan sekimej motlajtlaniaj kox melauak tlen kijtousa Biblia.

Amochtli *Life in Biblical Israel* (Ken otlakatka yiuejkika itech Israel) kijtousa “yiuejkika itech Israel okatka okachi kuajyo uan amo ken axkan”. Itech tepeyo omoskaltiaya kuauitl tlen itoka pino de Alepo (*Pinus halepensis*), coscoja de Palestina (*Quercus calliprinos*), terebinto (*Pistacia palaestina*). Uan kanin kitokayotiaj Sefelá, non mokaua itlajkotia tepeyo uan itempa mar Mediterráneo, ompa okatka miak kuajmej tlen kinmixmatij ken sicómoros (*Ficus sycomorus*).

Amochtli *Plants of the Bible* (Xiuutl tlen kijtousa Biblia) kijtousa itech seki ialtepetsitsiuan Israel ayakmo kuajyo. ¿Tleka ijkon opanok? Amochtli kijtousa yolik ijkon opanotia, ompa kijtousa: “Tlakamej yokintsontekej kuajmej para kipiaskkej kanin tlatokaskej uan kipiaskkej sakatl, kipiaskkej kuauitl tlen ika kalchiuaskej uan tlen ika tlatlatiskej”.

